

Prvi zamjenik visokog predstavnika Bruce Berton posjetio Ministarstvo sigurnosti BiH



Prvi zamjenik visokog predstavnika Bruce Berton sastao se danas u Ministarstvu sigurnosti Bosne i Hercegovine sa ministrom Draganom Mektićem.

Ministar Mektić upoznao je prvog zamjenika visokog predstavnika Bertona sa nadležnostima, ustrojstvom, funkcioniranjem i aktivnostima Ministarstva sigurnosti BiH, kao i prioritetima u daljnjem radu Ministarstva. Poseban naglasak, pored širokog spektra aktivnosti koje Ministarstvo poduzima u cilju povećanja sigurnosti građana u BiH, posvećen je pitanju borbe protiv terorizma, organiziranog kriminala i korupcije, kao i jačanju regionalne saradnje.

Prvi zamjenik visokog predstavnika Berton je ovom prilikom zahvalio na gostoprimstvu i iskoristio priliku da pohvali napore koje Ministarstvo poduzima na stvaranju ambijenta za bolju i efikasniju borbu protiv terorizma, korupcije i organiziranog kriminala. Pri tome, naglašena je dosadašnja izuzetna saradnja ove dvije institucije, te spremnost za nastavak partnerskih odnosa u svim pitanjima iz nadležnosti Ministarstva sigurnosti BiH.